

## Izveštaj sa 24. sjednice Općinskog vijeća Ilijaš

24. put od konstituisanja zasjedalo je Općinsko vijeće Ilijaš. Na Dnevnom redu pred vijećnicima se našlo 14 tačaka. Nakon vijećničkih pitanja i inicijativa te Izveštaja o realizaciji zaključaka sa 23. sjednice vijećnici su usvojili rebalans Budžeta Općine Ilijaš za 2014. godinu, koji je manji za 163.800,00 KM u odnosu na planirani, tako da ukupno raspoloživa sredstva u Budžetu Općine Ilijaš za 2014. godinu iznose 9.481,500,00 KM. Pomoćnica načelnika u Službi za privredu, finansije i investicije g. Merima Osmanović, naglasila je da je prijedlog Izmjena i dopuna Budžeta Općine Ilijaš za 2014. godinu predložen u veoma realnoj varijanti, te da zahtijeva maksimum angažovanja svih na prikupljanu prihoda te obavezu svih korisnika budžeta na štednju i poštovanje finansijske discipline. Realizacijom ovih Izmjena i dopuna Budžeta u potpunosti se i dalje zadržava finansijska stabilnost, kao i završili započeti projekti te realizovao jedan broj novih projekata.

Vijećnici su usvojili i Nacrt Budžeta Općine Ilijaš za 2015. godinu i Nacrt Odluke o izvršavanju Budžeta Općine Ilijaš za 2015. godinu. Prema Nacrtu Budžet Općine Ilijaš za 2015. godinu iznosi 8.724.400,00 što je 10% manje u odnosu na plan Budžeta Općine Ilijaš za 2014. godinu. Općinski načelnik g. Akif Fazlić je dao pojašnjenja Nacrta Budžeta Općine Ilijaš za 2015. godinu i pozvao građanje, vijećnike, predsjednike Savjeta MZ da se maksimalno uključe u Javnu raspravu, kao i da svoje prijedloge i sugestije dostave Službi za privredu, finansije i investicije, kako bi imali što kvalitetniji dokument.

Javna rasprava za Nacrt Budžeta Općine Ilijaš za 2015. godinu kao i Javna rasprava o izvršavanju Budžeta za 2015. godinu održat će se u trajanju od 15 dana u periodu od 28.11.2014.-15.12.2014.godina.

Usvojen je i Nacrt Izmjene i dopune Odluke o građevinskom zemljištu Općine Ilijaš. Razlog za donošenje Izmjena ove Odluke nastao je zbog izmjene zakonske regulative. Odluka o građevinskom zemljištu Općine Ilijaš je objavljena u "Sluzbenim novinama Kantona Sarajevo", broj: 23/14. Javna rasprava o Nacrtu Odluke o izmjenama i dopunama Odluke o građevinskom zemljištu održat će se 12.12.2014. godine u sali Općine Ilijaš sa početkom u 14:00 sati.

Vijećnici su većinom glasova podržali i prijedlog Odluke o davanju saglasnosti za zaključenje Ugovora o korištenju Gradskog nogometnog stadiona u Ilijašu, kojom se daje saglasnost Općinskom načelniku da sa NK "Ilijaš" zaključi Ugovor o korištenju bez naknade Gradskog nogometnog stadiona u Ilijašu na period od 5 godina.

Ugovorom će se detaljnije urediti međusobni odnosi između ugovornih strana.

Na ovoj sjednici usvojena su i određena rješenja iz imovinsko-pravne oblasti.

Općinskom vijeću predočena je Informaciju o izvršenju Budžeta općine Ilijaš za period od 01.01.do 30.09.2014. godine. Budžet općine Ilijaš u periodu 01.01.-30.09.2014. godine bilježi 7.103.013,00 KM ostvarenih prihoda, što je 74% od planiranih prihoda u Budžetu za 2014. godinu. Sa druge strane, ostvareni su izdaci u iznosu od 4.930.079,00 KM, što predstavlja 51% od planiranih izdataka u Budžetu za 2014. godinu. Prema tome, ostvaren je suficit za navedeni period u iznosu od 2.172.934,00 KM. Razlog za suficiti u ovolikom iznosu je to što nakon okončanja likvidacionog postupka privrednog društva INNTAL – BOSNA d.d. Ilijaš, te u postupku likvidacije, odnosno stečaja vlasnika kapitala navedenog privrednog društva DPSK BOSNA Ilijaš, nadležni sud za pravnog sljednika preostalog dijela unovčene imovine proglasio je Općinu Ilijaš.

Informacija o bespravnoj izgradnji i sanaciji bespravno izgrađenih objekata primljena je k znanju.

Na posljednjoj tački našao se prijedlog Odluke o pristupanju izradi Regulacionog plana Ljubinići koji je također dobio potrebnu većinu.